



UNIVERSITÄTS-
BIBLIOTHEK
PADERBORN

Vniuersa Theologia Scholastica, Speculatiua, Practica

Ad methodum S. Thomæ, quatuor Tomis comprehensa

Tanner, Adam

Ingolstadii, 1626

V. V. Theologia proprie sit sapientia.

[urn:nbn:de:hbz:466:1-72856](https://nbn-resolving.de/urn:nbn:de:hbz:466:1-72856)

acquirendam aliam superiorem; adeoque ordinatur ad ipsam tanquam finem; alias Logica esset subalternata omnibus alijs scientijs, & omnes scientiae subalternatae forent visioni beatifice, seu scientiae beatae; sed illa dicitur subalternata ratione finis, cuius finis est aliquo modo sub fine alterius, illaque velut in medium deseruit: quod sit, quando opus viaus scientiae refertur ad opus alterius scientiae velut ad finem; vt opus franco factoria refertur ad equitationem; & equitatio ad militiam seu pugnam equestrum. Atqui Theologia nostra finis, non est sub fine scientiae Dei aut beatorum; sed potius est medium ad scientiam Dei & beatorum, velut ad finem ultimum; quandoquidem scientia Dei nullum prosum habet finem; beatorum scientia autem est ipse ultimus noster finis cuius; qui non habet aliud finem eiusdem generis. Nec vero etiam Theologia nostra ultum post se opus relinquit, quod veluti medium deseruat operi scientiae Dei aut beatorum: quandoquidem Theologica scientia per se & vniuersim non est operativa seu practica; sed speculativa, ut inferius dicitur.

Ratione vero principiorum tunc solum una scientia alteri subalternatur, quando principia subalternata sunt conclusiones subalternantibus; quod in proposito non accidit, ut dictum.

Ratione modi vero sciendi una dicitur alteri subalternata, quando subalternata circa principia vel conclusiones dicit solummodo Quia, adeoque evidenter habet a posteriori solum, puta ab experientia & sensu, siue inductione; altera vero propter quid, ut recte Aureolus loc. cit. Id vero in proposito non accidit: Quia Theologia nostra nullam plane habet evidenter principiorum aut conclusionum; nec ullam veram demonstrationem (ex proprio munere, vt superioris dictum dub. 2.) circa suas conclusiones, nec Quia, nec propter Quid: Ergo, &c.

Atque ob dictas etiam causulas, docet Heraeus q. 6. prol. Theologiam nulli etiam scientiae humanae subalternari: secundum quemcunq; inquit, modum subalternationis (ab ipso) possum: quia subiectum Theologia non se habet ad subiectum alium scientie humanae ut pars in modo; nec etiam subiectum vel finis alium scientiae humanae, est etiam finalis subiecti Theologiae; nec etiam ea, qua sola fide tenet Theologia, sunt evidenter in aliqua scientia humana: Ergo secundum nullum praeditorum modorum subalternatur alia scientiae humanae, Ita Heraeus.

D V B I V M V.

Utrum Theologia propriè sit sapientia.

S. Thom. I. p. q. 1. a. 6.

Questio est de Theologia nostra, seu Viatorum, ut & de sapientia, quam inter quinque virtutes intellectuales retulit Aristoteles lib. 6. Eth. cap. 4. vt dictum supra dub. 3. Vbi notandum, tribus modis accipi posse Sapientiae vocabulum; primo spiritualiter, & iuxta scripturam phrasim; quae sapientia nobis diuinam sapientiam commendat, eaque communiter dici solet sapida quedam Dei rerumque diuinarum scientia; nec unum solum, sed plures habitus supernaturales virtutum, siue donorum Spiritus S. inuol-

uit, nimirum praeter fidem, in primis donum Sapientiae, (si non etiam donum intellectus, consilij, & scientiae) de quibus Isaiae 11. v. 2. arquetiam charitatem, qualis, ut ea que Deisunt, & secundum Deum sapiamus. S. August. lib. 14. de Trin. c. 1. eam vocat Dei cultum, gracie & beatitudinem, quae est, inquit, in cognitione & dilectione eius, quod semper est, & incommutabiliter manet, quod Deus est. Et lib. 12. de Trin. c. 14. Et quis cultus eius, nisi amor eius? Vnde ipsum etiam donum Sapientie Scot. in 3. d. 3. 5. dicit esse charitatem ipsam, licet includat fidem tanquam aliquid praevium. S. Thom. vero in 1. 2. q. 68. a. 4. & in 2. 2. q. 45. a. 2. residuus in intellectu collocat, esti charitati annexam, in eaque fundatum.

Secundo nomen Sapientiae, vulgari & ciuilicloquendi vsu, significat quemlibet habitum intellectualem exacte possellum, quo semper verum dicitur: quae tamens sapientia solum dicitur in aliquo certo genere, iuxta Arist. lib. 6. Eth. c. 7. vbi ait: Sapientiam in artibus attribuere illis consuevimus, qui absolutissimi in ipsis sunt. Vnde ibidem sapientem Marmarorum, polycletum statuarum sapientem dicimus; nihil aliud hic sapientia nomine, quam artis ipsius virtutem significantes. Similia habet 1. Metaph. c. 2. & 1. Mag. Moral. c. 3. 5. Sed & ipsa scriptura haec phrasim virutem Eccl. 3. 8. v. 3. 5. Vnde quisq; in arte sua sapientia est. Et 1. Cor. 3. v. 10. Vt sapiens Architectus fundamentum posui. Eodem pertinet, quodis, qui in genere totius humanae vite prudens est, sapiens dicitur, in quantum ordinat humanos artus ad debitum finem, vt notauit S. Thom. hic q. 1. a. 6. ex illo Prou. 10. v. 23. Sapientia est virgo prudentia.

Tertio accipitur philosophicè sapientia, pro certo & præstantissimo quadam habitu scientiae, à quo quis non tantum secundum quid, & in certo genere, sed simpliciter sapiens dicitur: de quo Arist. cit. c. 7. Ceterum, inquit, esse alios quodam omnino, non ex parte sapientes ex similius, &c. Et inferius ait, hac notio ne exactissimam scientiarum sapientiam esse manifestum est: quo loco Metaphysicam intelligit. Eundem habitum Aristot. 6. Eth. c. 4. virtutibus intellectualibus adnumeravit, ut dictum.

Iuxta primum igitur & secundum vocabuli Sapientiae usum non est quæstio; priori enim modo constat, Theologiam sapientiam non esse: licet Sapientia illius late spectata ambitu fortassis etiam Theologia, vt & fides, continetur: quomodo intelligendus Aureolus q. 1. prolog. a. 3. propofit. vbi dicit, & ex S. August. lib. 9. de Trin. c. 1. & lib. 14. de Trin. c. 1. & lib. 14. de Trin. c. 1. & tract. 1. super Ioan. vii etiam ex Richardo Victorino lib. 1. de Trin. in proœmio probat, Theologiam etiam esse illam sapientiam, de qua Sancti faciunt mentionem, ad quam conantur peruenire. Posteriori vero modo itidem certum est, Theologiam exacte possellam sapientiae laudem suis possessoribus tribuere. Si enim artifex quilibet sapiens dicitur, qui in sua arte excellit, cur non & Theologus? Questio igitur solum est de sapientia, iuxta terrum nominis significatum, idque siue mentem Aristotelis, siue rem ipsam spectemus. Ad quam S. Thomas hic q. 1. a. 6. ab solute responderet, Theologiam vel maximè sapientiam esse. Eadem est communis etiam aliorum Theologorum sententia: nisi quod Durand. q. 1. prolog. n. 54. & 55. negauit, propriè & formaliter esse sapientiam, ob defectum evidentie.

Aster.

Affirmatio I. Theologia simpliciter & absolutè loquendo rectè dicitur sapientia. Est S. Thomæ, & communis omnium Doctorum; vt notauit Vaquez hic q. 1. a. 6. nec ipso quidem Durando excepto; ita indefinite loquendo: quia id quidem ibidem disertè fatetur, ita vōcari posse, atque ita euiam vocatam fuisse ab Augustino. Probatur primò ex phrasib[us] scripturæ; in qua ita nonnunquam appellari videtur. Act. 6. v. 10. de S. Stephano ex scripturis fidem in Christum probante dicitur: Non poterant resistere sapientia & spiritu, qui loquebatur in eo. Cor. 2. S. Paulus loquens de sua doctrina (quam non solum fidei, sed etiam Theologicam fuisse q. 1. dub. 1. & q. 2. dub. 1. ostensum) ait: Sapientiam loquimur inter perfectos. Et rursum Ephes. 1. v. 7. superabundantem in nobis (gratia Christi) in omni sapientia & prudentia. Et Coloss. cap. 1. v. 9. Vt amplemam agnitio[n]em voluntatis eius, in omni sapientia & intellectu spirituali. Et cap. 3. v. 15. Verbum Christi habenter in vobis abundanter, in omni sapientia docentes & commonentes vosmetip[s]os, &c. Et 1. Pet. 3. v. 15. Sic ut & charismus frater noster Paulus secundum datam sibi sapientiam scripsit vobis. Et quod hoc loco citat etiam S. Thomas, Deuter. 4. v. 6. Haec est vestra sapientia, & intellectus coram populo.

Eodem modo se loquuntur SS. Patres. Et S. Augustinus lib. 12 de Trin. cap. 1. distinguens sapientiam à scientia, quod illa ad contemplationem, haec ad actionem spectat; illa sit rerum diuinarum & æternarum, haec humanaarum & temporalium: Ergo hoc ipso agnoscit Augustinus, scientiam speculativam Dei, rerumque diuinarum, qualis est Theologia, sapientiam esse, vt notauit etiam S. Thomas hic q[uaest] 1. a. 6. Et rursum idem Augustinus lib. 14 de Trinit. cap. 1. ait: Unde ego quoq[ue] in libro superiori, virarumq[ue] rerum cognitionem, id est, diuinarum atq[ue] humanarum, & sapientiam & scientiam dicipafe, non tacui. Verum secundum hanc distinctionem, qua dixit Apostolus: Alij datur sermo sapientie, alijs sermo scientie, ista definitio diuidenda est, vt rerum diuinarum scientia propriæ sapientia non cupetur, humanarum autem propriæ scientie nomen obtineat. Huc spectat, quod vt supra ex Aureolo notauimus, Theologia in illa etiam sapientia continetur, quam Sancti desiderarunt & experierunt.

Ratio est. Quia Theologia est multo excellentior scientia; c[on]tra etiam præcipue sapientia conditio[n]es ab Aristotele a lignate multo excellentius conueniunt, quam Metaphysica, vt sequenti assertione dicetur: Ergo si Metaphysica propter excellentiam, qua alias scientias superat, recte dicitur sapientia, majori iure talis dici debet Theologia. Accedit, quod omnis sapientia huius mundi, terrena scilicet & mere secularis, qualem Ethnici Philosophi habuerunt, sicut ita est apud Deum, 1. Cor. 3. v. 19. ita vt proinde Metaphysica scientia præ hac reuelata scientia nihil quodammodo sit facienda.

Affirmatio II. Tametsi quidem, si loquamur materialiter & in particulari, vel etiam adæquate, & secundum omnes conditiones requiras, de eo habitu, quem sapientia nomine vocandum censuit Aristoteles, Theologia propriæ sapientia non sit: tamen si formale & abstractam rationem sapientiae, quam scientia vniuersitatem accepta superaddit, seu ex qua scientia quæpiam sapientia laudem iuxta eundem Aristotelem meretur, planè fatendum est, Theolo-

giam etiam ex mente ac doctrina Aristotelis, veræ ac propriè sapientiam esse: & quidem excellentiori modo; quam Metaphysicam. Est ex mente S. Thomæ & aliorum Doctorum; cum quibus etiam hoc modo conciliari potest Durandus loc. cit. Probatur prior pars. Tum quia iuxta Aristotelem lib. 6 Eth. cap. 4 & 7. Sapientia est præstantissima scientiarum, quam proinde non minus, quam alias scientias, evidenter esse supponit: cum tamen Theologia nostra, de qua loquitur, euidenter non sit, nec propriè scientia, iuxta eundem Aristotelem, vt dictum dub. præcedenti. Tum quia iuxta Aristotelem, sapientia est ipsa Metaphysica scientia, vt videre est apud eundem ibidem, & lib. 1. Metaph. cap. 1. & 2. Theologia autem nostra etiam utique est habitus à Metaphysica, & omnibus naturalibus scientijs hoc ipso distinctus, quod nimirum reuelatione seu principijs reuelatis, non autem lumine naturali; vti naturales scientiae, vt dictum supra q. 1. dub. 1. Denique Aristoteles de Theologia nostra nihil penitus cognovit; Ergo in enumeratione habituum, nullam eius rationem particulatim habuit: utique naturales solum habitus recensere contentus, quos solos ipse nouerat.

Posterior pars eiusdem assertio[n]is ita probatur & declaratur. Aristoteles enim sapientiam esse docet illam scientiam, cui sequentes conditions conueniunt; quas proinde sapientia ex propria & formalis sua ratione scientia vniuersitatem, aut certè alijs pluribus scientijs superaddit. Prima est, quod non solum ipsa conclusiones, sed etiam principia, similitum prima & vniuersalissima nouit. Ita Aristoteles lib. 6. Ethic. cap. 7. vbiait: Sapientem igitur non solum ea, quae ex principijs sunt cognoscere, sed etiam circa principia ipsa verum dicere oportet. Quare sapientia tristis intellectus & scientia. Et lib. 1. Metaph. cap. 1. ait: Sapientiam circa primas causas, & principia, omnes arbitrantur versari.

Secunda, quod sit scientia rerum præstantissimarum. Ibidem in Ethicis: Sapientia, inquit, est quasi habens caput scientia rerum præstantissimarum. Et infra: Constat igitur ex ijs, quæ dicta sunt, sapientiam esse rerum præstantissimarum naturam scientiam & intellectum.

Tertia, quod proinde sit scientia omnium nobilissima & præstantissima. Quod significat Aristoteles verbis citatis, & quando mox subiungit: Absurdum enim est, si quis scientiam ciuilem, aut prudentiam, honestissimam esse existimat: & superius dixerat, exactissimam scientiarum esse sapientiam. Et lib. 1. Metaph. cap. 2. quinque istas sapientia conditions ordinare recenset, quas nos præcedentibus adnumerabimus.

Quarta igitur sapientia conditio est, quod maxime vniuersalia nouit. Primo, inquit Aristoteles, opinari sapientem maxime omnia, uti possibile est scire; non habentem singulariter eorum scientiam. Et infra hoc ipsum declarans: Horum autem hoc quidem, omnia in quam scire, illi qui maxime vniuersalem scientiam habeant, neceesse est inesse, hic enim quodammodo omnia subiecta (sive particularia) se[nt]i.

Quinta, quod maximè difficultas nouit. Deinde illum, inquit, qui difficultiora, neg. scitu facili homini cognoscere possit, sapientem existimamus. Scire enim omnibus communem est; quamobrem facile; & nequitam sapiens est.

Sexta quod sit scientia omnium certissima. Item illam,

illum, inquit, quicertior, ac magis docere valens, causas reddit sapientiam in omni scientia esse.

Septima, quod sit scientia speculativa, non practica; scientiarum quoque illam, inquit, qua gratia suissimis, et propter ipsum scire, quam illam, qua aliorum gratia eligenda sit, magna sapientiam esse.

Octaua, quod sit scientia principalis siue superior, non subministrans. Et principalior, inquit, quam ei subministrantem, potius sapientiam esse: non enim ut sapienti precipitatur, sed ut illi precipiat: nec utile ab altero, sed ut ab eo minus sapienti tradatur decet. Ita Aristoteles sapientiam describit; Vbi consultò nullum evidentiae mentionem fecit: quia Sapientia quoad hoc nihil peculiare addit scientie in genere; imo ex hac parte fieri potest, ut sapientia superetur ab alijs quibusdam scientijs: sicut reuera demonstraciones Mathematicae evidentiores sunt, quam aliqua demonstrationes Metaphysicæ, v.g. de Deo, &c.

Iam vero perspicuum est, omnes eas conditiones Theologiae verè ac propriè conuenire, multoque verius, quam ipsi Metaphysicæ; quod signallat ita ostenditur. Primo enim Theologiae & conclusio- num, & principiorum reuelatorum notitiam includit, non solum quia supponit, simulque necessariò coniunctam habet fidem, veluti habitum principiorum; sed etiam quia sua ipsius principia contra negantes probat, ac defendit, non solum deductione ad impossibile, vti Metaphysica, sed saepe etiam directe, ex uno principio reuelato probans aliud, vt dictum supra q. 2. dub. 1.

Secundò est scientia rerum praestantissimarum, puta ipsius Dei, non solum ut principij & authoris rerum naturalium, sed etiam supernaturalium; quo circa ea de Deo mysteria cognoscit, ad quæ Metaphysica penetrare nūquā potest; vti est mysterium sanctissimæ Trinitatis, Incarnationis, Eucharistie, &c.

Tertiò hoc ipso etiam est praestantissima omnium scientiarum; quia est de subiecto praestantissimo, & ex obiecto formalis seu medio praestantissimo, utpote supernaturali, diuinæ reuelationis, ut pluribus dicetur quest. 3. dub. 2.

Quarto est de rebus vniuersalissimis, nimur de omni Ente, non solum naturali, vti Metaphysica, sed etiam supernaturali, ut patebit quest. seq.

Quinto est de rebus difficillimis; quæ omnem planè captum humana rationis excedunt; vt sunt illa, quæ diximus, aliaque complura Christianæ fidei mysteria; adeo quidem, ut sit supra omnem ratio-

nem naturalem, non tamen contra: cum camen objecta eu conclusiones Metaphysicæ naturale lumen rationis non excedant.

Sexto certitudine omnes planè scientias naturales, adeoque Metaphysicam etiam ipsam, longè superat, vt ex instituto cum S. Thomahic q. 1. a. 5. dictetur infra q. 4. dub. 3.

Septimo simpliciter est scientia speculativa, non practica, ut docet S. Thomahic q. 1. art. 4. & inferius cit. q. 4. declarabitur.

Octauo est scientiarum suprema, quæ nulli ministrat, omnibus imperat, omnes dijudicat; omnibusque naturalibus scientijs, etiam ipsa Metaphysica virtutis velutianellis: iuxta illud Apostoli 1. Cor. 2. v. 15. spiritualis iudicat omnia; & ipse à nemine iudicatur. Eratio est: quia exaltiori lumine, diuinæ felicitet reuelationis, procedit; cui subiici & seruire necesse est omne lumen & rationem naturalem; iuxta Apostolum 2. Cor. 10. v. 4. Arma militia nostra non carnalia sunt, sed potentia Deo, ad destructionem munitionum, consilia defruentes, & omnem alitudinem excellente se aduersus scientiam Dei, & in capiuitatem redigentes omnem intellectum in obsequium Christi, &c. Ex quibus abundè patet quod in assertione diximus, si formalis ratio sapientie spectetur, ex qua scientia quæpiam, iuxta Aristotelem sapientiae nomen meretur, Theologiam nostram, etiam ex mente & doctrina Aristotelis, verè ac propriè sapientiam esse.

Atque ex his omnibus, quæ hactenus de Theologia genere disseruimus, colligitur, Theologiam ex suo genere esse habitum ac virtutem intellectualem argumentatiuum; Aristoteli tamen planè incognitam, nec ullam ex commemoratis ab eo 6. Ethic. cap. 4. nisi quod ratio formalis & abstracta sapientia, ab eo in varijs locis descripta, quam ille soli Metaphysicæ conuenire existimat, propriè, imo verius etiam Theologiae competit, ut dictum. Quia tamen sapientia hac ratione vel non est propriè genus, sed species quædam praestantissima habituum intellectuum; vel si in tota sua latitudine sumatur, etiam habitibus genere diversis conuenit, ut dictum, idcirco satendum est, genus proximum Theologiae innominatum esse, quod tamen ex dictis facile circumscribi potest, dicendo, esse habitum discursuum ex principijs reuelatis, quæ talibus: hæc enim ratio generica communis est nostra Theologiae, cum ea quam evidenter habent Christus & beati, Atque hæc de Theologiae generis relatis.

Q V A E S T I O III.

De subiecto siue obiecto Theologiae.

S. Thom. I. p. q. 1. a. 3. 7. & 8.

Bsolvitur hæc questio tribus dubiis. I. Quodnam sit obiectum Theologie totale & formale. Quod, siue attributionis? II. Quodnam sit eius obiectum Quo; seu ratio formalis obiectua Qua, seu propter quam? III. Vtrum præter rationem formalem obiectinans Qua, siue propter quam, assignanda sit alia Theologie ratio formalis sub qua, & quan- nam illa sit?